



UNIVERSITÄTS-  
BIBLIOTHEK  
PADERBORN

**Principia Juris Canonici : Ex Libro ... Decretalium Gregorii  
IX. Pontificis M / Antehac In Alma & Archi-Episcopali  
Benedictina Universitate Salisburgensi**

**König, Robert**

**Salisburgi, 1725**

**VD18 80460526**

12. De Cognitione legali.

---

[urn:nbn:de:hbz:466:1-61800](#)

prosit, & alteri obicit, ut docet communis cum Panorm. in c. 2. in fin. h. t. cui non improbabiliter contradicit Coninck diff. 34. dub. 8. n.

69. propter d. c. 2. ubi dicitur, conjugem coniugi in tali casu debitum non debere subtrahere, consequenter supponitur, utrumque conjugem retinere jus exigendi. Quidquid sit, hoc certum est, quod si pater ex necessitate, vel per ignorantiam baptizet, aut suscipiat propriam prolem, debiti petitionem non impediari, cum per actum inculpabilem, aut necessarium non debeat prajudicari matrimonio stanti. d. c. 2. h. t. c. ad limina. causa 30. q. 1.

#### §. VII.

20. *Contraria cognationi spirituali, & ejus impedimento est dispensatio, quam tollit.* Ubi secernenda paternitas spiritualis à compaternitate: in illa S. Pontifex nunquam, vel difficillimè, in ista verò facile dispensat, modò subsit justa aliqua causa; eo quod indecentius sit contrahere cum filia spirituali, quam cum compatre, seu commatire: quippe regenerationis spiritualis, ex qua hujusmodi filiatio confluit, assimilatur generationi carnali, ex qua filiatio naturalis oritur, quae dispensationem omnino non admittit. Hinc necesse est ad impetrandam dispensationem circa impedimentum cognationis spiritualis exprimere in supplicatione provenientiam hujusce impedimenti ad hoc, ut sciri possat, an super compaternitate, vel paternitate petatur dispensatio. Vinc. de Just. de Diffens. marr. lib. 2. c. 5. n. 72.

## TITULUS XII. De Cognitione legali.

### SUMMARIA.

1. *Descriptio cognitionis legalis.* 2. *Diffiso. 3. 4. Origo. 5. usque 9. Inter quas personas obtineat?*
9. 10. *An etiam ex Adoptione, vel unione prolium proveniat?* 11. *Ejus effectus.* 12. *Quomodo tollatur?*

**A** Ltera species cognitionis, quæ matrimonium impedit, dirimitque, est cognatio legalis.

#### §. I.

*Definitur cognatio legalis, quod sit propinquitas, sive conjunctio personarum, per adoptionem legitimam contracta, ob quam inter certas personas matrimonium non admittitur.*

#### §. II.

*Dividitur cognatio legalis in paternitatem, fraternitatem, & affinitatem.*

*Paternitas legalis est inter Patrem adoptantem, & adoptatum, ejusque liberos, aut descendentes, si in ejus potestate existant, sicut existunt nati ex filio, non item nati ex filia: cum enim hi non sequantur conditionem, & familiam matris, sed patris, ideo inter illos, & patrem adoptivum, qui arrogavit matrem, nulla videtur esse cognatio, & impedimentum s. ergo non omnes. I. Institut. de Nupt. l. quin etiam 55. ff. de Ritu nupt. Gloss. in c. us. h. t.*

*Fraternitas legalis contrahitur inter eos, qui à latere per adoptionem conjuncti sunt: nempe inter liberos adoptivos, & liberos naturales in potestate Patris adoptivi adhuc constitutos. Inter ipsos verò fratres adoptivos, id est, adoptatos ab eodem Parente, & liberos naturales cæteros, qui potestati Patris adoptivi subjecti non sunt, & tantò magis illegitimos nulla jure statuta est legalis cognatio, aut impedimentum. s. inter eas 2. Institut. de Nupt. l. 17. ff. de Riu nupt. Zoël. h. t. n. 4. & 6. Dissentit Panorm. in c. un. n. 4. & 6. Eod. hanc legalem cognitionem, & prohibitionem ad liberos quoque illegitimos extendens.*

*Affinitas legalis reperitur inter adoptantem, & uxorem adoptati, quæ est illi instauratus; & econtra inter adoptatum, & uxorem adoptantis, quæ est ipsi instar novitatis. I. adoptivus. 14. ff. de Ritu nupt. item inter adoptatum, & matrem adoptantis, ejusque ma-*

marteram d. l. quinetiam. 55. §. I. ff. de Ritu nupt.

## §. III.

Causa efficiens cognitionis legalis, hujusq; impedimenti, alia est remota, alia proxima.

Remota est Jus Civile, & Canonicum: nam primitus haec cognatio, ac impedimentum inventum, & introductum est à Jure Civili, atque hinc nomen cognitionis legalis traxit. Deinde vero à Jure Canonico receptum, & approbatum est, quoad paternitatem in c. ita diligere. I. causā 30. q. 3. quoad fraternitatem in c. per adoptionem. 6. ead. q. 3. & c. un. h. t. quoad affinitatem autem consuetudine Ecclesie, nullo S. Pontifice contradicente. Sylvester P. matrimonium 8. q. 8 dic. I. Panorm. ad Rubr. h. t. n. I.

Causa efficiens proxima hujus cognitionis, & impedimenti est adoptio, cuius duæ sunt species, arrogatio scilicet, quâ paterfamilias, sive homo sui juris auctoritate Principis in filium, vel nepotem assumitur, & adoptio in patre, quâ filiusfamilias, seu is, qui sub patria potestate constitutus est, auctoritate tantum inferioris Magistratus in filium adsciscitur. Quoad effectum haec duæ species in eo differunt, quod arrogatus transeat in potestatem, ac familiam arrogantis, non autem adoptatus nisi ab avo paterno, vel materno adoptetur. §. sed hodie. 2. Instit. de Adopt. l. 10. C. cod.

## §. IV.

Subjectus cognitionis legalis sunt personæ quas inter contrahitur, & dirimit matrimonium. Ut verò constet, quænam sint perlonæ illæ.

Dico I. In linea recta contrahî cognitionem legalem, & impedimentum matrimonii inter adoptantem, & adoptatum, & descendentes adoptati legitimos, & naturales, qui tempore adoptionis erant in ipsis potestate, vel postea durante adoptione nati sunt, usque ad quartum gradum, inò probabiliter in in-

finitum. arg. §. I. Instit. de Nupt. l. quin etiam. 55. ff. de Ritu nupt. Sanchez lib. 7. diff. 63. n.

34. Inter adoptantem, & parentes adoptati nulla est cognatio: cum enim parentes per filii adoptionem non transeant in familiam adoptantis, & non fiant agnati, neque cognati legales fieri, & esse possunt, per Text. in l. qui in adoptionem. 23. ff. de Adopt.

Dico II. In linea collaterali vinculum cognitionis legalis matrimonio impedimento esse inter ipsum adoptatum, & omnes illos, quibus agnascitur, id est, qui sunt in potestate & de familia ipsius adoptantis, ipsi adoptato ex latere venientes, ut filii naturales, & legitimi adoptantis, & nepotes ex filiis non etiam nepotes ex filiabus, aut alii quicunque cognati, præfertim illegitimi. §. 3. Instit. de Nupt. d. l. quin etiam. 55. ff. de Ritu nupt. c. per adoptionem. causā 30. q. 3. c. un. h. t.

Dico III. Cognitionem legalem per modum affinitatis dirimere matrimonium inter adoptantem, & uxorem adoptati, item inter adoptatum, & uxorem adoptantis. l. adopt. vni. 14. ff. de Ritu nupt. inò etiam inter adoptatum, & matrem adoptantis, ejusque marteram, ut quæ Parentum locò habentur. §. item amitam. §. Instit. de Nupt. l. 55. ff. de Ritu nupt.

Cæterum cognitionis legalis, & hujus impedimentum maximè inter personas illustres obtinet: Legimus enim, quod Julius Cæsar olim Augustum, Augustus Tiberium, Nerva Trajanum, Justinus Justinianum adoptaverit. Schneidew. & Rittershus. ad tit. Instit. de Adopt. n. 3. Harprecht Eod. n. 2. & 3. Idem invenimus factum esse à Friderico I. Electore Palatino, qui etiam filio suo adoptivo omnes regiones reliquit. Et licet hodie adoptionem, & consequenter legalem cognitionem ab aula recessisse, multi contendant cum Grænewegen de Legib. abrogat. ad Instit. de Adopt. meritò tamen de eo dubitatur: nam

et si moribūs nostris non adeò solitā sint ve-  
ræ adoptiones, eapropter tamen nondum pe-  
nitus earum usus sublatuſ est, ut optimè pro-  
bat Samuel Stryk de Uſu modern. Pandect. lib.

I. tit. 7. ſ. I. & ſeqq.

§. V.

**9.** Forma cognitionis legalis, ac impedimen-  
ti hujus confitit in vinculo quodam ex legiti-  
ma adoptione contracto. Ubi se instituat con-  
troversia: an cognatio legalis, quatenus est  
impedimentum dirimens, tam ex adoptione  
in specie, quād ex arrogatione nascatur?

Quōd hāc cognatio etiam ex pura ado-  
ptione oriatur, tenent Gutierrez de Matr. c.  
102. n. 5. Navarr. in Sum. c. 22. n. 44. Pa-  
norn. in c. un. b. t. num. 5. propterea, quia  
ius utrumque Civile. & Canonicum, ubi de  
hoc impedimento disponit, loquitur genera-  
liter de adoptione, nec distinguit inter ado-  
ptionem, & arrogationem; quando autem  
lex non distinguit, nec nos distinguere debe-  
mus, arg. l. 32. ff. de Recept. qui arbitr. & l. de  
pretio ff. de Public. in rem act.

Econtra Layman in Theol. moral. lib. 5. rr.  
10. p. 2. c. 7. n. 3. Dian. p. 4. tr. 4. refol. 120.  
Canis. & Zoël. t. 1. docent, ſolū ex arrogatione,  
& adoptione ab ascendentē facta naſci  
impedimentum matrimonii, quibus subscri-  
bo: quia hoc impedimentum à jure tam Ci-  
vili, quād Canonico primō quidem, & prin-  
cipaliter introductum est propter ſubjectio-  
nem, & potestatē patriam, ſecundariō au-  
tem ad præcavendum periculum fornicatio-  
nis, quod alioquin imminet inter personas ſu-  
b ea dem patria potestate, & in eadem domo af-  
fiduē commorantes, ut tradit S. Th. 4. ſent.  
d. 42. q. 2. a. 2. atqui in adoptione in specie,  
niſi facta ſit ab aliquo ascendentium, ceflat  
utraq; ratio, cūm adoptatus nec in potestatē,  
nec in familiam, aut domum adoptantis tran-  
feat. ſ. 2. Inſtit. de Adopt. Aliunde etiam im-  
pedimenta matrimonii, ut pote odiosa, potius

reſtrīgenda, quād extendenda ſunt, conſe-  
quenter quād de adoptione dicuntur, de per-  
fecta ſolū adoptione, ſeu de arrogatione ac-  
cipi debent.

In argumento contrario ſupponitur, non  
probatur, quōd leges, aut Canones indiſtin-  
cte loquantur de quavis adoptione, quando  
fermo eſt de impedimento matrimonii, eſte-  
nī, ut expediti facilē patebit, ſ. 1. & 2.  
Inſtit. de Nupt. l. 14. 17. & 55. ff. de Ritu nupt.  
quibus potiſſimū innititur impedimentum  
cognitionis legalis, expreſſe loquuntur de  
arrogatione, & ad ſenſum horum Textuum  
quoque loquuntur SS. Canones generaliores,  
ut qui ad jus Civile le referunt, per c. ita di-  
liger. cauſa 30. q. 3.

Certē ad unionem prolīum, quā liberi utri-  
usque conjugis ex alio matrimonio jam luſce-  
pti ita parificantur, ut æqualiter in bonis  
utriusque tam paternis ſcilicet, quād mater-  
nis ſuccedant, impedimentum cognitionis  
legalis, tanquam ſtrictæ interpretationis, nul-  
latenus extendendum eſt, ſiquidem proprie-  
hāc unio adoptio non eſt, quamvis adoptio-  
ni affimiletur, cūm privigni, & privigna hoc  
modo quaſi in naturales liberos affumantur.  
De hac, ejusque requisitis videatur Gail. 1. ſe-  
rv. 125. Stryk l. cit. ſ. 9. & ſeqq.

§. VI.

**Effeſtus cognitionis legalis,** atq; hujs im-  
pedimenti eſt, quōd impedit, & dirimat ma-  
trimonium ſubsequens, ſed diversimodē:  
enim verò paternitas legalis matrimonium di-  
rimit in perpetuum, etiam adoptione legitime  
diſſolutā. c. 1. cauſa 30. q. 3. ſ. 1. l. de Nupt.  
l. 55. de Ritu nupt. Idem DD, coſmuntit tra-  
dunt de affinitate legali, quā eſt inter adopta-  
tum, & uxorem adoptantis. d. l. 55. & l. 11.  
ff. Eod. idque ob ſpecialem reverentiam, &  
honorem legitimis parentibus, & qui eorum  
locō habentur, debitum, in quo hoc impedi-  
mentum potiſſimū fundatur. Fraternitas ve-

legalis, quæ datur inter carnales filios adoptantis & adoptatum, inter eos matrimonium in perpetuum non dirimit, sed tam diu tantum, quamdiu durat adoptio, & filii sive carnales sive adoptivi sunt sub potestate adoptantis.

*præ. un. b. t. l. 17. ff. de Ritu nupt. Rmus Maurus Oberascher de Matr. c. 4. §. 5.*

## §. VII.

12 *Contraria cognationi legali, ejusque impedimento est dispensatio, quâ tollitur; quamvis vero prorsus dubitandum non sit, S. Pontificem posse in hoc impedimento dispensare, in linea tamen recta, sicut & in affinitate legali difficillimè, & nonnisi gravi ex causa dispensat. Quod lineam transversalem, seu fraternitatem legalem attinet, in ea raro petitur dispensatio, quandoquidem in promptu est emancipatio, quâ cognitionis legalis impedimentum amoveatur ita, ut adoptatus circa ullam dispensationem cum filia carnali adoptantis matrimonium inire possit. Sanchez lib. 7. diff. 63. n. 24.*



## TITULUS XIII.

De eo, qui cognovit consanguineam uxoris suæ, vel sponsæ.

**P**erspectâ cognitione spirituali, & legali videndum porro de cognitione naturali, quæ in vulgari sermone *consanguinitatem*, & *affinitatem* complectitur juxta c. quod autem, §. causâ 35. q. 5. ubi ita Alexander: quod autem frater, sororve uxoris tuae cognati tui dicuntur, aquivocationis jure sit. Ecquidem S. Pontifex hic attingit affinitatem contraria cum ex copula habita cum consanguinea uxoris, vel sponsæ, nos vero, quia haec cum consanguinitate, & affinitate legitima omnino connecta est, de iis simul tractabimus in sequenti.

## TITULUS XIV.

De Consanguinitate, & Affinitate.

**D**Uæ ergo sunt partes hujus tituli: prima exhibet impedimentum *consanguinitatis*; altera impedimentum *affinitatis*.

## Pars I.

De Consanguinitate.

## SUMMARIUM.

1. *Consanguinitas quid nominis? 2. Quid rei? 3. 4. 5. Quotuplex? 6. 7. 8. Origō consanguinitatis, & quo iure dirimat matrimonium? 9. 10. 11. Quos inhabilitat ad matrimonium contrahendum? 12. 13. 14. Traduntur regulæ computandi gradus consanguinitatis. 15. 16. Adducuntur ejus effectus. 17. 18. An, & quando in impedimento consanguinitatis locus sit dispensatione?*

## §. I.

*Consanguinitas dicitur quasi una & communis sanguinitas, seu sanguinis unitas, vernacula ein Blutsverwandtnus/Blut-Freundschaft. Unde consanguinei, qui quasi ex uno & communi sanguine propagati sunt, sive qui unum, & communem sanguinem haberunt, sicut cognati ab eo dici putantur, quasi qui unâ communiterve orti, progenitique sunt, teste Modestino in l. non facile. 4. §. 1. ff. de Gradib. & affinit.*

## §. II.

*Definitur Consanguinitas, quod sit propinquitas, seu vinculum personarum, ab eodem stipite descendientium, carnali propagatione contractum. D. Thom. in 4. dist. 40. q. un. a. 1.*

*Verba hujus definitionis: ab eodem stipite, intelligenda sunt de stipite propinquuo: nam descendentes ab eodem stipite, seu parente, planè remoto, non sunt consanguinei: alioquin omnes homines, utpote ab eodem stipite Adamo,*